



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-4192-3
Sarajevo, 21.10.2019. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke „ nabavka dijelova za računarsku opremu koja se odnosi na (mrežnu opremu, memoriju, optičke uređaje, hard diskove, miševe, tastature, procesore, kablove, adaptere, kućišta, napojne jedinice i ostalo)“ za Ministarstvo unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i**

O D L U K U

o izboru ponuđača za nabavku dijelova za računarsku opremu koja se odnosi na (mrežnu opremu, memoriju, optičke uređaje, hard diskove, miševe, tastature, procesore, kablove, adaptere, kućišta, napojne jedinice i ostalo)

I

Na osnovu Odluke broj 01-14-4-4192 od 25.07.2019. godine i Obavještenja o nabavci broj 1364-1-1-37-3-28/19 od 05.08.2019. godine, proveden je otvoreni postupak u postupku nabavke „nabavka dijelova za računarsku opremu koja se odnosi na (mrežnu opremu, memoriju, optičke uređaje, hard diskove, miševe, tastature, procesore, kablove, adaptere, kućišta, napojne jedinice i ostalo)“.

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora ponuđaču „Inter-com“ d.o.o Zenica sa ponudom u iznosu od 155.434,50 KM sa PDV-om, iznos na koji će biti zaključen okvirni sporazum na 4 godine.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-4192 od 25.07.2019. godine i Obavještenja o nabavci broj 1364-1-1-37-3-28/19 od 05.08.2019. godine, proveden je otvoreni postupak u postupku nabavke „nabavka dijelova za računarsku opremu koja se odnosi na (mrežnu opremu, memoriju, optičke uređaje, hard diskove, miševe, tastature, procesore, kablove, adaptere, kućišta, napojne jedinice i ostalo)“.

Javno otvaranje ponuda izvršeno je dana 04.09.2019. godine u 12.00 sati, što je konstatovano zapisnikom sa otvaranja ponuda od 04.09.2019. godine koji je dostavljen svim ponuđačima u zakonskom roku.

Komisija je utvrdila da je u postupku nabavke bilo postavljeno jedno pitanje od strane ponuđača "Elur" d.o.o. Kiseljak, a koje se odnosilo na iznos garancije za ozbiljnost ponude i na isto je, putem portala javnih nabavki odgovoreno u zakonskom roku.

Od strane ponuđača „IT Systems“ d.o.o. Sarajevo je putem advokata, punomoćenika dostavljena žalba na tendersku dokumentaciju. Žalba je bila blagovremena, dopuštena i izjavljena od strane ovlaštene osobe. Od strane Komisije su razmatrani žalbeni navodi i žalba je djelimično usvojena te je sačinjeno Rješenje koje u zakonskom roku dostavljeno ponuđačima, a ispravka tenderske dokumentacije je objavljena na portalu javnih nabavki i rok za predaju ponude je produžen sa 27.08.2019. godine na 04.09.2019. godine.

Tendersku dokumentaciju je preuzelo 28 ponuđača, a Ispravku tenderske dokumentacije 13 ponuđača.

Prispjele su sljedeće podnude:

1. „ELUR“ d.o.o. Kiseljak,
2. „PRINTEX“ d.o.o. Sarajevo,
3. „ZERICK“ d.o.o. Sarajevo,
4. „INTER-COM“ d.o.o. Zenica i
5. „ASPO RAIL“ d.o.o. Sarajevo.

U fazi evaluacije provjerava se ispunjenost zahtjeva koji su preduslov za pristupanje ocjeni ponuda što je predstavljeno u tabeli u Zapisniku za ocjenu ponuda.

Sve prispjele ponude su blagovremene jer je prema Obavještenju o nabavci, odnosno Ispravci obavještenja o nabavci krajnji rok za dostavu ponuda bio 04.09.2019. godine do 10:00 sati.

Od strane svih ponuđača dostavljene su izjave da neispunjavaju uslove za primjenu preferencijalnog tretmana domaćeg ponuđača tako da prilikom vrednovanja ponuda nije primjenjen.

Provjeravani su način uvezivanja ponude, primjena propisane forme dostavljenih dokumenata, validnost ponude, računaska kontrola i konstatovano je da sljedeće ponude, a kao što je vidljivo iz gornje tabele, ispunjavaju sve uslove predviđene tenderskom dokumentacijom i da su formalno-pravno ispravne i kvalifikovane:

1. „ELUR“ d.o.o. Kiseljak
2. „PRINTEX“ d.o.o. Sarajevo
3. „INTER-COM“ d.o.o. Zenica
4. „ASPO RAIL“ d.o.o. Sarajevo

Ponuda ponuđača „ZERICK“ d.o.o. Sarajevo nije kvalifikovana, odnosno formalno-pravno nije ispravna, t da nije dalje razmatrana.

S obzirom da su se stekli uslovi zakazan je termin za provođenje postupka e-aukcije kvalikovanih ponuđača za 12.09.2019. godine u 10:00 sati.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Nakon provednog postupka e-aukcije Komisije za javne nabavke je razmatrala Izvještaj o toku i završetku e-aukcije koja je završena 12.09.2019. godine u 10:42 i prema istom ponude ponuđača, iskazane hronološkim redom i bez PDV-a su sljedeće:

1. „INTER-COM“ d.o.o. Zenica 132.850,00 KM
2. „PRINTEX“ d.o.o. Sarajevo 133.000,00 KM
3. „ELUR“ d.o.o. Kiseljak 138.800,00 KM
4. „ASPO RAIL“ d.o.o. Sarajevo 153.684,50 KM

Shodno naprijed navedenom i utvrđenom činjeničnom stanju, uvažavajući kriterij za dodjelu ugovora „najniža cijena“, a u skladu sa čl. 65. i 70. Zakona o javnim nabavkama BiH („Sl.glasnik BiH“ broj 39/14), Komisija je usaglasila stav i jednoglasno dala preporuku ministru Ministarstva unutrašnjih poslova Kantona Sarajevo da donese odluku o dodjeli ugovora ponuđaču „INTER-COM“ d.o.o. Zenica u iznosu od 155.434,50 KM sa PDV-om, iznos na koji će biti zaključen okvirni sporazum na 4 godine.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



DOSTAVITI:

1. Ponuđačima5,
2. Upravi podrške,
3. Komisiji,
- ④ Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

